

**Հայոց լեզվի օլիմպիադայի հանրապետական փուլի պատասխաններ՝ 11-րդ դասարան**

Միջերկրական ծովի՝ **ավագով** պատված ափին՝ լայն **տափարակի վրա**, հրաշեկ արևի շողերից, թվում է, շնչահեղձ էր լինում եգիպտական չքնաղ քաղաք Ալեքսանդրիան:

Փոթորկի պահերին վեր հատնող ալիքները սուրում էին դեպի քաղաք՝ անհեղամունչ գալարվելով, և անձկությամբ փարվում սեթևեթող **պչրուհուն**՝ ողողելով նրա ափերը: Մակայն արևկա օրերին շառաչը փոխվում էր ախորժալուր խշշունի, ու թվում էր՝ կռահակները մեղմաձայն երգում էին, իսկ ծովից փչող սյուրը՝ օրորում նագող գեղեցկուհուն, **որ**, քամելեռնի պես **երփներանգվելով**, շողարձակում էր իր վառվռուն գույները:

Հին ժամանակներում՝ ամռան տոթակեզ մի օր, Ալեքսանդրիայից **քառորդ** մղոն հեռու գտնվող Փարոս կղզում վիստում էին սևամորթ ստրուկները՝ հաղթաբազուկ ու պիրկ մկաններով. նրանք միջանցիկ **պարանոց** ստեղծելու համար հսկա ժայռաբեկորները գլորում էին դեպի նեղ ջրանցքը, **որով** քաղաքը բաժանված էր **կղզուց**: Եգիպտոսի անվանի ճարտարապետ Մոստրատեսը թագավորի **պատվերով** կառուցելու էր լուսատու ջահ՝ մեծ ու երկնասլաց՝ գիշերը ժամանող նավերին **կողմնորոշելու**՝ որ ճանապարհով մոտենան նավահանգստին:

Եվ մի գեղեցիկ օր կղզու հարավարևելյան անկյունում (ճարտարապետը մանրագին ուսումնասիրել էր տեղանքը) վեր խոյացավ եռահարկ աշտարակը, **որի** հսկա սյուներին **նստած** էր ութանիստ գմբեթը, նրա վերևում՝ ծովերի աստված Պոսեյդոնի բրոնզե արձանը:

Փարոսը նաև դիտաշտարակ էր. գմբեթի ներսում տեղադրված հայելիները անդրադարձնում էին լույսը, **ինչի շնորհիվ** երևում էին քաղաք մտնող բոլոր նավերը:

Ցավոք, իրար հաջորդող երկրաշարժերից ու երկարատև **խոնավությունից** հիմնովին կործանվեց աշխարհի յոթ հրաշալիքներից մեկը՝ համարվող հրաշք կառույցը:

2. **Ավագով**- ներգործող խնդիր, **տափարակի վրա**- բացահայտիչ, **պչրուհուն**- հանգման խնդիր, **որ**- ենթակա, **երփներանգվելով**- ձևի պարագա, **քառորդ**- որոշիչ, **պարանոց**- ուղիղ խնդիր, **որով**- միջոցի խնդիր, **կղզուց**- անջատման խնդիր, **պատվերով**- հիմունքի պարագա, **կողմնորոշելու**- նպատակի պարագա, **որի**-հատկացուցիչ, **նստած**- ստորոգելի, **ինչի շնորհիվ** (պատճառի պարագա), **խոնավությունից** (ներգործող խնդիր):

3. **ողողել** (ափերը), **օրորել** (գեղեցկուհուն), **շողարձակել** (գույները), **ստեղծել** (պարանոց), **կառուցել** (ջահ), **գլորել** (ժայռերը), **անդրադարձնել** (լույսը), **ուսումնասիրել** (տեղանքը),

4. Հաագայի միջազգային դատարան, Մշո Սուրբ Առաքելոց վանք, Չինական մեծ հարթավայր, Շվեյցարական Համադաշնություն, Նիդեռլանդների Պետական խորհուրդ, պարսից լեզու, Մեյջելյան Կղզիների Հանրապետություն, գրիգորյան տոմար, Հին Արևելք, սիամական կատու:

5. **նման**- ած., կապ, **հեռու**-մակբայ, կապ, **արագ**-ածական, մակբայ, **անկախ**- ածական, կապ

6. ուղղական- 1.ենթակա, 2.ստորոգելի, 3.կոչական, 4.որոշիչ

7. **լուտանք**- հայհոյանք, անարգանք, չարախոսություն  
**շենշող**- ուրախ, գվարթ, պայծառ, լուսավոր, երջանիկ  
**ատոք**- լիքը, լեցուն, ուռճացած  
**ագոխ**- չհասած խակ խաղող, ընդհանրապես չհասունացած խակ պտուղ,  
**դագանակ**- հաստ գավազան, մահակ,  
**սկիհ**- եկեղեցական արարողությունների համար նախատեսված արծաթյա անոթ թաս  
**պառնաս**- բանաստեղծների՝ արվեստագետների կաճառ  
**Նախանձախնդիր**- եռանդով որևէ բանի հետամտող, որևէ բանի կրքոտ պաշտպան  
**նշավակել**- նախատել, պարսավել, ծաղրել, ծաղրի ծանակի ենթարկել  
**քղամիդ**- կրոնավորի շուրջառ, վերնաշապիկ, փիլոն, սքեմ, պատմուճան, պարեգոտ

8. **տրոյական ձի**- նշ. *գաղտնի քողարկված միջոցն պատակին հասնելու համար,*

Տրոյայի պաշարման ժամանակ դանայացիները հսկայական փայտե ձի կառուցեցին և այն թողեցին Տրոյայի պարիսպների մոտ, իսկ իրենք հեռացան: Տրոյացիները ձին քաղաք տարան: Նրա միջից գիշերը դուրս եկան թաքնված դանայացիները և բացեցին քաղաքի դարպասները:

**տորիչելյան դատարկություն**- 1. Ծանրաչափի խողովակում սնդիկից վերև եղած անօդ տարածությունը 2. Փխր. Բացարձակ դատարկություն, բովանդակության, ունակության, գիտելիքի ևն իսպառ բացակայություն պակասություն:  
17-րդ դարի իտալացի ֆիզիկոս Էվ. Տորիչելլիի անունից: Վերջինիս իրականացրած փորձի հիմքում պատմության մեջ առաջին անգամ ստեղծված պարզագույն սնդիկային ճնշաչափն էր:

### Գնահատման չափանիշ 11-րդ դասարան

Հարց 1. Յուրաքանչյուր ճիշտ պատասխան գնահատվում է 0,1 միավոր:  
Հարց 2. Յուրաքանչյուր ճիշտ պատասխան գնահատվում է 0,2 միավոր:  
Հարց 3. Յուրաքանչյուր ճիշտ պատասխան գնահատվում է 0,25 միավոր:  
Հարց 4. Յուրաքանչյուր ճիշտ պատասխան գնահատվում է 0,1 միավոր:  
Հարց 5. Յուրաքանչյուր ճիշտ պատասխան գնահատվում է 0,25 միավոր:  
Հարց 6. Յուրաքանչյուր ճիշտ պատասխան գնահատվում է 0,5 միավոր:  
Հարց 7. Յուրաքանչյուր ճիշտ պատասխան գնահատվում է 0,1 միավոր:  
Հարց 8. Յուրաքանչյուր ճիշտ պատասխան գնահատվում է 0,25 միավոր:

**Ուշադրություն:** Շարադրության մեջ ուղղագրական յուրաքանչյուր սխալի համար հանվում է 0,5 միավոր, կետադրական, քերականական, բառագործածական և ոճական սխալների համար՝ 0,25 միավոր, սխալ տողադարձի համար՝ 0,1 միավոր: